

 Андижон вилояти ҳокимлиги расмий портали

ХОНОБОДДАН МЎЙНОҚ САРИ ҚАДАМ ТАШЛАНДИ



Инсон кўп нарсани англаши учун дунё кўриши, ўзгаришларга эш тутиниши лозим. Тошкентлик сайёҳ Сохибжон Режабов ҳам ўз олдига ана шундай мақсад кўйди. Ўзбекистон бўйлаб пиёда сайд қилиш баробарида юртимизни ўрганиш, туризмнинг ривожланишига хисса қўшиш унинг орзуси. Андижон туманидаги “Темурбек жаннат диёри” фермер хўжалигининг сўлим дам олиш масканида тўхтагани сайёҳнинг дастлабки таассуротлари билан қизиқдик.



-Уч кун аввал Хонобод шаҳридан пиёда юришни бошладим,-дейди Сохибжон Режабов.- Андижон хакида кўп эшитганман. Бу юртда биринчи бор бўлишим. Хонободнинг гўзал табиати ва тозалиги мени ўзига ром этди. Очиги, андижонликларнинг меҳмондўстлиги, очиқкўнгиллигига гап йўқ. Мен кутгандан ҳам катта эътиборни кўриб адашмаганимни сездим. Кунига 30 км. йўл юришни режалаштирганман. Бу дегани яқин уч ойда 2200 км. масофани босиб ўтиб. Мўйноқда сафаримни якунлайман.

Тарихий жойларни кўриш, муқаддас қадамжоларни зиёрат қилиш, буюк инсонлар сухбатида бўлиш билан Ўзбекистонни янада чуқурроқ ўрганаман. Бугун спортчи бўлганим сабаб жаҳон миқёсида ўзига хос мактаб яратган Андижон бокс мактаби билан яқиндан танишиш ниятидаман. Қолаверса, Бобурийлар юртининг дикқатга сазовор жойларини томоша қилмоқчиман.

Мен водийнинг гўзал табиати ўзига ром этганини такрор айтаман. Биргина мана шу фермер хўжалигининг даласи, етиштирилаётган тиллога тенг ҳосили ва окар сувининг таърифини келтириш кийин. Бир сўз билан айтадиган бўсам, яхши инсонлар ва гўзал табиат менда катта таассурот колдирди. Бу кайфият сафар давомида мени тарк этмаслиги аник.

Сайёҳ Сохибжон Режабов билан тезкор сухбатимизни сайтимизда кузатиб боринг.